

老聿時期
桑榆蔗境
(七〇——八〇歲)

白樓詩集

卷四

王哉泉題





像 照 者 作

目錄

答復青海詹國大代表	一
雜詠 四首	一
乞食	一
自適	一
應友人聘約兼爲衣食謀 四首	二
憶受訓舊作 四首	二
郊遊 六首	三
春柳	三
夏荷	三
秋葉	三
冬雪	四
白頭吟 十九首	四
靈芝草 二首	五

答客問 四首	六
詠竹	七
七十歲退休後作	七
閭甥偕往觀梅花	七
祝壽賀新婚	七
重修白樓村王姓家譜題詩 二首	七
甲南紀遊詩 十首	八
憶臨潼華清池	一〇
華清池勝景	一〇
台灣竹枝詞 二十首	一一
七十一年歲次壬戌執行律師業務有感二首	一二
登堂	一二
不入室	一三

懷舊詩	十首	一三
秋日偕孫君登霧峰台灣省議會後山	一四	一四
參觀霧峰農校	一四	一四
秋興	八首	一四
十月病中作	二首	一五
生日歡聚示茂泉	三首	一六
兄弟言歡老父欣慰	二首	一六
福壽延年圖	一七	一七
養病	一七	一七
七十二歲次癸亥春節誌喜	二首	一七
松竹堂前梅花	一八	一八
梅花	二首	一八
蘭心升入美國醫學研究所	一八	一八
山中養病紀事	十首	一八
小桃源讀書記	二首	一九

松竹堂消夏	四首	二〇
感時詩	四首	二〇
幽蘭賦字帖	一一	二一
訟累	四首	二一
龜山島即景	六首	二二
羅東冷泉亭	二首	二二
登碧山岩古廟聽講佛經	四首	二三
遊覽梧棲港	十首	二三
早起	四首	二四
遊彰化八卦山	二五	二五
黃氏福壽園中留客	二五	二五
與八三叟劉須昌話故鄉往事	四首	二五
積麥山石佛	二六	二六
遺興	二首	二七
遊人企關觀紅櫻花	二首	二七

觀長壽梅	二七
谷關觀野梅	二七
日月潭涵碧樓招飲	二八
赴嘉義梅山公園賞梅花	二八
七十三年歲次甲子春節誌慶	二八
參觀五月廿日總統就職大典	二九
公泉於六月一日回國省親二十一日返回僑居地	二九
長安鐘鼓樓	四首 二九
青海客	三〇
野趣	三一
禪心	三一
讀西北萬里行書後	三一
香柳	二首 三一
乙丑歲夏日徐偉元兄寄端午節詩步原韻	三二

七十四年秋日感懷詩	六首 三三
李表哥戲題	三三
七十五年歲次丙寅新年誌慶	二首 三四

答復青海詹國大代表

子然飄泊逐風塵，託命香江一例賓。匏繫艱難誰可寄，撫躬進退是良純。持旄盡落悲蘇武，傲骨風高耻二臣。每憶京畿分手處，卅年過後倍增親。

雜詠 四首

春花坐看擁書城，筆墨生涯寄後生。歲月卅年如逝水，蒼蒼白髮覺心驚。
蕭齋自笑老蠹魚，啃齧詩書未飽予。風竹森森臨瘦影，連朝春雨柳條舒。
信步郊原望眼穿，青山綠水小溪前。西疇農事秧苗長，又見老牛上烏肩。
陵谷荒田不記年，翠華山下曲江前。郊原景色三春好，擴展襟懷樂性天。

乞食

吹簫吳市范丹貧，落拓江湖叩夙因。拋去貂裘曾換酒，呼來道義墜風塵。家山何處悲今日，世局紛紜感此身。如是蒼天不可問，從來車馬徒勞人。

自適

人心何所似，年老更徬徨。天涯歸路遠，時日近寒霜。不作桑麻念，何須樓閣藏。安然啜茗茗，酷暑亦清涼。

應友人聘約兼爲衣食謀 四首

笑對青山說我癡，還鄉有待尙無期。烏紗拋却紫塵去，兩袖清風總不宜。
退班不畏羊腸路，昂首坦途任所歸。自問平生無冤孽，幸存七十古來稀。
間字殊方老不修，先生海外等閒鷗。圖書滿架曾涉獵，不羨人間萬戶侯。
沐風櫛雨無春夏，任爾衣冠多自媒。閒作筆耕不蓄索，風寒雪月一銜杯。

憶受訓舊作 四首

晨興夜寐將何之，依水傍山攻讀時。指點青山頻悵望，稀疏漁火數歸期。金戈
鐵馬成何世，簞食壺漿盼義師。拭目中原翹首待，幾人援手救災黎。

濕霧濃雲掃不開，鱗鱗車馬出郊來。莘莘學子求科技，冉冉光陰費講台。月異
日新時世變，鎔經鑄史智能開。書生莫嘆窮通運，拓土開疆是異才。

恢復家邦郭令公，數來自古幾人同。身窮立業生新運，話到從頭說未工。內外
海天齊振奮，紛紜世局說精忠。休嫌己力奇輕重，劉季當年唱大風。

圓山山下淡河旁，十里春風生異香。竹裡鳴禽飛上下，水中漁父唱悠揚。眼前
好景足娛樂，世上災荒觸目傷。振奮無須枕刀劍，應知不許獨徜徉。

郊遊 六首

偷得浮生半日閒，相偕出郭手相牽。農村美景真堪羨，似我江南三月天。
筆耕不慣硯田荒，馳驅郊遊入僻鄉。我本農家舊子弟，何年歸去稼穡忙。
問舍尋田傍水隈，綠陰深處有人來。潘莊試問在何處？茅舍籬邊門始開。
紅塵十丈眼昏迷，誰識人間有是非。兼善未酬獨善樂，委蛇還是亂時宜。
固貧能守舊家風，於利於名未熱中。家國替隆職責在，尤須衆志得成功。
一官拋棄又經年，往日風雲似野煙。自問鑑評不偏頗，公平一事敢欺天。

春柳

脈脈銷魂堤岸柳，遊人攀折任西東。依依無限牽情意，欸欸韻生二月中。曾涉
陽關堪墮淚，猶然河上舊時風。人生難免色三變，頓覺光陰總不同。

夏荷

滴露明珠水上擎，翻雲覆雨綠波生。蛙鳴庇蔭蟾光夜，蜓立欣聯荷葉盟。粉白
潔然西子服，曳紅勝染馬頭纓。清風傳頌知香遠，烈火延燒論輸贏。

秋葉

莫怨西風意態涼，人間盛衰總尋常。誰憐北國風雪後，落葉南山溝壑香。敝帚自珍並不迫，娥眉輕掃入時妝。多情霜降九秋日，凍餒饑寒問守藏。

冬雪

太白山巒高萬丈，也曾攀越步爲難。雁池雪擁迷遐邇，石燕風飛遍宇寰。東渡買舟瑯瑤地，南來鴻雁落沙灘。大鵬歛翅青天外，遮斷雲山不覺寒。

白頭吟

十九首

少小離鄉尚未還，時光不覺鬢毛斑。才疏難作長門賦，賈酒當壚亦汗顏。一笑書生老更癡，陳思窗下寫吟箋。欲將呆念宣洩盡，人指瘋狂順水船。拽杖閒吟水之涯，紅蓼花放賽晴霞。千金一飯漂母在，誰辨英雄是龍蛇。小兒笑指白頭翁，布衣闌珊路向東。何處找尋知己飲，興來沽酒醉眠中。心爲形役感支吾，無復田園怨老夫。每到雞鳴天破曉，滿懷瑣事感踟蹰。進退於今意未安，依人到是十分難。空談逝水揚州夢，總覺平生未識韓。衫袂綠楊山村外，耕夫辛苦野田中。揚鞭走馬三春景，世事人生多不同。書齋窗外雨瀟瀟，幾度春風樹影搖。幽靜無人來問訊，月明小院倍無聊。

多少情懷未易拋，携琴松下對棋敲。無關得失無恩怨，濁酒一杯自解嘲。
西湖時雨浙江潮，誰識人間有許巢。世上威殺一個事，情天恩怨不堪描。
自古雄才腰佩刀，千金斗酒逞英豪。酬恩甘願拋生死，擾亂乾坤不可饒。
更深夜靜剔銀釭，夏雨新涼滴翠桐。偶憶華清池上夜，青梅煮酒舊時宮。
人生檢點莫噬臍，獨步渭河春艸堤。注目魚蟲多兼併，逞強拼鬥自沉迷。
一寸草長一寸心，十分真意十分瞋。可憐多少痴情漢，只有辛酸是路塵。
秋雲淡薄俗情深，閒步山中入竹林。清澈溪泉流遠近，熱衷到此亦冰心。
讀書萬卷終何用，不及漁翁一釣竿。輸却青衿官宦影，十年窗下自堪憐。
陋室春風祇自誇，雞鳴破曉晚來霞。讀書才識滋味好，貧賤終生不顧家。
柴門虛掩待山客，雪阻溪橋催租人。有酒來朝拼一醉，可知今日是良辰。
不愁饑饉慶豐年，喜有兒孫各執先。淡泊平生無顧盼，何須寶馬黃金韉。

靈芝草 二首

靈芝草素稱仙品，爲大陸上罕見罕聞之物，入本草綱目，列爲醫病靈藥。台灣亞熱帶草木叢生，花葉繁多，水澆山區，河流縱橫。聚山川之靈氣，到處可尋得靈芝草，狀如紫菌，香臭

不一，良惡不齊。可引爲治除疾病，但亦可致人於死亡，非經專家醫師鑑定不可輕試。聞今已有植物學家試種矣。

百草精華醫百病，神農秘訣至今傳。天山移入仙靈藥，立命回生不值錢。
寶島風光別有天，山川秀麗花爭妍。四時喜見無寒暑，仙菓靈芝壽大年。

附錄：瀛壖百詠舊詩：

少寒多燠不霜天，木葉長青花久妍。真個四時皆似夏，荷花度臘菊迎年。

答客問 四首

問君何事棲天涯，流水行雲到處家。烽火樓台千里外，故園景色五雲遮。蕉風
椰雨驚沉夢。浩劫餘生意未斜。一念俗塵灑脫甚，飛揚壯大見中華。

問君何事拋烏紗，厭倦風塵知瑜瑕。寸艸疾風識勁節，老松從不慣凋邪。衰年
七十仍爲吏，陶靖逢迎恥入衙。有子能承甘脂奉，清閒快樂渡年華。

問君何事太清貧，富貴浮雲在此身。三徑白衣來送酒，滿天風雨迎嘉賓。平生
不慣子母計，難得熱衷升斗人。杜曲桑麻捐棄盡，少陵胸次待陽春。

問君何以淡如水，留得心中一段春。膠漆情懷真須臾，煙霞細雨總無垠。是非

都入漁樵話，得失分與富貴人。閒坐月明松榻上，香山九老葛天民。

詠竹

三日階前筍，亭亭吐秀枝。一場春雨後，綠蔭滿窗籬。

七十歲退休後作

月兒彎彎背已駝，芙蓉如面皺紋多。漫從歲月尋春夢，羞向前人誇綺羅。偶聽雞鳴喜報曉，又逢七夕渡銀河。人生歡樂隙中駒，山水清幽且放歌。

閩錫偕往觀梅花

七十年歲次辛酉夏日偕如棟、若樸昆仲雨中往觀台北市博物館梅花畫展。

依依親情未肯離，淒淒風雨共相期。梅花萬樹春前發，故國山河夢裡稀。擊劍有心懷壯志，仰天長嘯展愁眉。人當歡聚須行樂，對酒高歌要及時。

祝壽賀新婚

李傳誥夫婦七秩華誕良辰，金婚紀念，並爲令郎述予結婚，特爲慶賀，時在本年十一月中。

五十年中金石婚，行仁積德蔭兒孫。華堂迎接新夫婦，福壽康寧道可尊。

重修白樓村王姓家譜題詩 二首

相傳世系帝王家，源遠流長綴嶺霞。祥覽古今稱孝友，文章冠蓋出瑯琊。江淮河漢九支派，浙閩臺澎共一家。祖德綿延永不墜，欣看兒女遍中華。

中原馳騁跨革囊，明代鼎興百世昌。徙地蕭縣卜祖宅，封疆天水寄兒郎。峰迴路轉東桴海，赤膽忠心報聖王。一介書生酬夙願，白樓遠處是家鄉。

甲南紀遊詩 十首

一、遊嘉義蘭潭

日月潭中路，蘭潭水上舟。青山多在望，兩兩泛輕鷗。

二、參觀關子嶺水火同源

誰說水無源，火由水裏奔。人生當濟濟，風月亦乾坤。

三、登阿里山

曾上泰山峯，秦王大夫封。我今來海外，何日見飛熊。

四、遊甲南大圳

大水山峽出，奔騰數十年。無邊望綠野，水上是遊船。

五、泛愛河舟

阿兄州縣宰，景色猶依然。人稱循良吏，光陰三十年。

六、遊鸞鼻燈塔

燈火照通明，海天手一擎。平安歸去後，風浪未曾驚。

七、遊覽墾丁公園

來遊海盡頭，園林願淹留。風光入畫本，松柏萬年秋。

八、珈珞水

恒春南海濱曰珈珞水風景區，海上仙山，山下珊瑚礁，蜂房般壘積於半山水間，藏殖甲介之類。潮漲則風雲變換，怒浪鼎沸。潮汐則弱水三千，不載片羽。風雨陰晴，各有顯現顏色，誠屬一美景。

風雨潛蛟龍，陰晴總不同。朝霞來翠羽，垂釣下絲筒。

九、遊山胞村

巖穴居如猿，屋高樹滿軒。年年拚一醉，花落有啼痕。

十、海上翁

魚鳥兩相親，朝雲與暮雲。食眠共日月，齟齬不曾聞。

憶臨潼華清池

余抗戰中於役臨潼，春秋佳日，多偕友登驪山覽勝，沐浴華清池。此地繁盛，當推唐代。按舊唐書記載，驪山宮貞觀十八年置，咸亨二年始名溫泉宮，天寶六年更溫泉曰華清宮。治湯井爲池，環山列宮室。華清有蓮花湯，卽貴妃澡沐之室。又據夏樹芳詞林海錯一書載：玄宗宮嘗養八哥一名阿蘇鳥數百，一日問之曰思鄉否？對曰：思鄉，遂遣中貴送還山中，後數年有使過隴西，八哥問上皇安否？使臣曰崩矣。八哥悲鳴不已。使者賦詩曰：「隴上山深草木荒，行人到此動離腸。耳邊不忍聽八哥，猶在枝頭說上皇。」回報於朝廷。玄宗功過詳記史冊，不難復考，惟鳥尙知情感，人當如何？

驪山山下柳絲長，旖旎風光記上皇。驛使中途鸚鵡語，傳言能不感滄桑。

華清池勝景

當明皇盛時，驕奢淫侈，匡世所無。據處晦明皇雜錄記載：上將幸華清宮，貴妃姊妹競飾以金銀間以珠翠，一車之費不啻數十萬，旣成甚重，而牛不能引。復因上閣，請乘馬，於是競須名馬，以黃金爲銜轡組繡爲障泥，共會于國忠宅，同入禁中，炳煥照燭，觀者如堵。迨安史之亂，上幸巴蜀妃從，至馬嵬坡六軍不解危，使力士賜貴妃縊死佛堂前梨樹下，瘞西郭外一里許，道北坎下，作孽不可活，驗矣。

美人黃土寄悲傷，何事當年太荒唐。禍福一身天下望，秋風江上要思量。

台灣竹枝詞 二十首

無山不斷頭，有水皆倒流。人情薄如紙，難得好朋友。
有樹不乘涼，好衣不作裳。玉肌真秀美，鶴膝蜂腰長。
夜半雨絲絲，秋風賣漿時。飢寒人事老，天意不相欺。
南京木屐巷，河上七家灣。履聲使得得，來觀海外山。
人人盼歲稔，個個療饑寒。東隣拜拜酒，醉臥各言歡。
美哉三春景，誰不憶江南。櫻花開滿樹，梅放不堪看。
相讓自爲隣，編笆拒棗因。於今爭分毫，留此一段春。
水火誰拯溺，問予垂釣人。盤中粒粒米，日月又增新。
東家炊煙起，故舊不相親。物力自維艱，誰復問前因。
血緣不相親，骨肉陌路人。本是同根生，儼若似君臣。
不知大戴禮，只湏供諸神。豐盈充祭品，社會少仁人。
海島三家村，初興衡宇新。高樓燈火夜，讌客酒千巡。

鄉社春三月，迎神擁輿鑾。獻供牛羊豬，萬人進香團。
誰到野人山，語言盡馱蠻。穿鼻多漆面，弓矢渡三關。
走入森林間，大蟒雲豹寰。冲天飛帝雉，高山九道彎。
教子習詩禮，黃金多病根。勤勞足永樂，禍福及兒孫。
衣冠異禽獸，詩禮古今傳。誰作天人詩，一身荷雙肩。
登到玉山頂，放懷作達觀。千澗碧落外，高竝兩峯寒。
山水撫瑤琴，梅花湖上禽。冰霜風雪裏，何處覓知音。
四山拱翠秀，玉佛結禪庵。風擺垂楊柳，泛舟日月潭。

七十一歲次壬戌執行律師業務有感 二首

長年終日上官衙，早逐炊煙入晚霞。劍藝不精貽笑話，布衣遮體出無車。青衫披掛冲鋒去，辯口懸河粗飯加。自愧胸中少點墨，全憑末技亂塗鴉。

到來一一舊行徑，頓覺今昔人不同。收斂威儀學趨步，低沉眉目要從容。敢云熱血求公道，誰爲愛憎赴事功。老者礪溪謀利祿，和風和雨耳邊聲。

登堂